

# KOMPLEKS PBOU LAHAD BAKAL MEMPERKASAKAN PERTAHANAN UDARA ESSCOM

[airforce.mil.my/berita/acara-rasmi/5542-kompleks-pbou-lahad-bakal-memperkasakan-pertahanan-udara-esscom](http://airforce.mil.my/berita/acara-rasmi/5542-kompleks-pbou-lahad-bakal-memperkasakan-pertahanan-udara-esscom)

LAHAD DATU, 22 Okt 19 – Kompleks Pusat Bantuan Operasi Udara (PBOU) yang dijangka siap akhir tahun ini bakal memperkasakan sistem pertahanan udara Kawasan Keselamatan Khas Pantai Timur Sabah (ESSCOM) dengan menempatkan helikopter EC 725 AP milik TUDM yang berupaya melakukan tugas-tugas operasi terutama pada waktu malam.



PBOU yang dibina di Lapangan Terbang Lahad Datu akan membantu operasi ESSCOM dalam membanteras anasir luar termasuk jenayah rentas sempadan yang kerap memberikan ancaman keselamatan di perairan Zon Selamat Timur Sabah.



Perkara itu dikongsikan oleh Panglima Operasi Udara, Lt Jen Dato' Sri Hj Abdul Mutalib bin Datuk Hj Ab Wahab TUDM semasa lawatan kerja beliau di PBOU Lahad Datu.



Panglima Operasi Udara juga berkesempatan bertemu dengan penduduk setempat bagi memberi penerangan mengenai situasi tersebut apabila PBOU mula beroperasi nanti.

Terdahulu, Panglima Operasi Udara telah melakukan pertemuan bersama Komander ESSCOM, YDH DCP Dato' Hazani bin Ghazali dan Ketua Staf Bahagian Operasi Udara ESSCOM, Brig Jen Hj Ayub Khan bin Mohamad Khan TUDM.



